



Sud Bosne i Hercegovine
Суд Босне и Херцеговине

Broj: S1 3 Iž 037911 20 Iž
Sarajevo, 22.10.2020. godine

Sud Bosne i Hercegovine, u vijeću Apelacionog odijeljenja sastavljenom od sudija Dinke Bešlagić-Čovrk, kao predsjednika vijeća, Srete Crnjak i Vesne Trifunović, kao članova vijeća, odlučujući o žalbi Bojana Kikića, Sučani bb, Šekovići, izjavljenoj protiv Odluke Centralne izborne komisije Bosne i Hercegovine broj: 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 22.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine po podnesenim prijavama do 01.09.2020. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žalitelja odbijen je upis iz razloga što je isti registrovana na više različitih adresa.

Draginja Trivković i Nikola Marinković su putem email adresa dostavili žalbe za Bojana Kikić protiv navedene odluke. U žalbi od Draginje Trivković se navodi da se Bojan Kikić prijavio da glasa na adresi Kralja Petra, Mali Zvornik, te moli da glasa sa te adrese, dok se u drugoj žalbi navodi da se Bojan Kikić redovno prijavio na adresu Bulevar oslobođenja 22, Novi Sad, te traži da glasa na toj adresi.

Centralna izborna komisija Bosne i Hercegovine u odgovoru na žalbe predložila da se žalbe odbiju kao neosnovane.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz stanja spisa proizlazi da je Centralna izborna komisija BiH prije donošenja pobijane odluke, utvrdila da su za Bojana Kikić dostavljene četiri (4) prijave i to jedna na PRP-1 Obrascu - Prijava za glasanje izvan BiH i tri na PRP-2 Obrascu potvrde prijave za glasanje izvan BiH, te da su navedene različite adrese na koje će biti upućen glasački materijal. U konkretnom slučaju u prvoj prijavi je navedena adresa Bulevar Oslobođenja 22, 21 000 Novi Sad, Srbija, dok je u drugoj prijavi navedena adresa Kralja Petra, 15 318 Mali Zvornik, Srbija, te u trećoj prijavi navedena je adresa Prvomajska 118, 11 080 Zemun, Beograd, Srbija, i u četvrtoj prijavi navedena je Obajgora Rača, 31 250 Bajina Bašta, Srbija.

I po shvatanju apelacionog vijeća, druge zaprimljene prijave na ime Bojana Kikić se ne može smatrati obaviješću o promjeni podataka u smislu člana 3.16 stav (1) Izbornog zakona BiH, s obzirom da podnositelj žalbe podnošenjem drugih prijava nije ukazao da ima saznanja o podnešenoj prvoj prijavi, kada bi se moglo cijeniti da druge podnesene prijave predstavljaju promjenu podataka o boravištu u inostranstvu. Prema tome, Centralna izborna komisija BiH od strane podnosioca prijave nije obaviještena da isti ima saznanja o prvoj podnesenoj prijavi, odnosno da druge prijave predstavljaju samo promjenu podataka iz ranije podnesene prijave. Cijeneći četiri podnesene prijave urednim u formalno pravnom smislu, ni nakon provedenog ispitnog postupka, nije bilo moguće utvrditi koja od podnesenih prijava je vjerodostojna, a što je bio dužan dokazati podnositelj prijave u smislu člana 3.15 stav (1) i (7) Izbornog zakona BiH, te što je isti propustio učiniti u postupku ocjene vjerodostojnosti podnesene prijave.

Tačna adresa stanovanja državljanina BiH koji privremeno živi u inostranstvu, ima biračko pravo i upisan je u Centralni birački spisak, predstavlja obavezni element prijave propisan članom 3.15 stav 1 Izbornog zakona (Sl. glasnik BiH br.23/01 sa izmjenama). Državljanin BiH je shodno članu 3.16. stav 1 citiranog zakona obavezan Centralnu izbornu komisiju BiH obavijestiti o promjeni podataka koje je predhodno dostavio, i to do isteka roka utvrđeno za podnošenje prijave za glasanje van BiH.

Kako žalitelji nije Centralnoj izornoj komisiji BiH dostavio, u smislu člana 3.15 stav 1. i 7. Izbornog zakona BiH, potvrdu nadležnog organa o prebivalištu/boravištu izvan BiH kako bi se sa sigurnošću moglo zaključiti da je adresa na kojoj zahtjeva da bude registrovan, prava adresa njegovog prebivališta/boravišta u inostranstvu, to i prema shvatanju apelacionog vijeća Centralna izborna komisija BiH nije bila u mogućnosti da utvrdi koja je od podnesenih prijava vjerodostojna. Tu činjenicu je dužan dokazati podnositelj prijave u smislu navedene odredbe Izbornog zakona BiH. S tim u vezi, pravilna je i zakonita odluka Centralne izborne komisije BiH, da navedenom licu odbije upis u izvod iz Centralnog biračkog spiska za glasanje izvan BiH.

Napomene radi, žalitelju nije oduzeto biračko pravo za Lokalne izbore 2020. godine, nego samo mogućnost glasanja putem pošte izvan BiH, jer isti može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik vijeća
Sudija

Dinka Bešlagić-Čovrk